



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-_____/15
Sarajevo, 05.01.2015. godine

SVIM BUDŽETSKIM KORISNICIMA

Predmet: Instrukcija za sačinjavanje operativnih/dinamičkih planova budžetskih korisnika u skladu sa Odlukom o privremenom finansiranju institucija BiH za period januar – mart 2015. godine

Vijeće ministara Bosne i Hercegovine, u skladu sa članom 11. Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), na 115. sjednici, održanoj 18.12.2014. godine donijelo je Odluku o privremnom finansiranju institucija Bosne i Hercegovine za period januar – mart 2015. godine.

Shodno navedenoj Odluci, a u cilju održavanja budžetske ravnoteže, svi budžetski korisnici dužni su Ministarstvu finansija i trezora BiH, **najkasnije do 20.01.2015. godine** dostaviti prijedloge operativnih/dinamičkih planova za januar, februar i mart 2015. godine za tekuće izdatke (bez programa posebnih namjena finansiranih iz namjenskih sredstava i kapitalnih izdataka). Ukupan iznos operativnih budžeta za prvi kvartal 2015. godine u pravilu iznosi do ¼ sredstava odobrenih Zakonom o budžetu institucija Bosne i Hercegovine i međunarodinih obaveza Bosne i Hercegovine za 2014. godinu („Službeni glasnik BiH“, br. 104/13 i 60/14). Izuzetno od prethodno navedenog, a u skladu sa članom 3. stav (1) Odluke o privremnom finansiranju institucija BiH za period januar – mart 2015. godine, iznos sredstava veći od ¼ godišnjeg budžeta iz 2014. godine odobrit će se institucijama koje moraju izmiriti fiksne troškove po već stvorenim obavezama (plaće, naknade, zakup i sl.).

U skladu sa članom 11. stav (3) Zakona o finansiranju institucija BiH, budžetski korisnici ne mogu započinjati nove ili proširene programe i aktivnosti dok se isti ne odobre u Budžetu za 2015. godinu.

Dinamičke planove (tabele), budžetski korisnici dužni su popuniti u skladu sa „Instrukcijom o načinu izrade operativnih planova za izvršenje Budžeta institucija BiH za 2014. godinu i o načinu praćenja programa posebnih namjena“ (www.mft.gov.ba).

Dinamičke planove za Programe posebnih namjena finansiranih iz sredstava donacija i namjenskih sredstava, potrebno je posebno iskazivati i rashode rasporediti po ekonomskim kategorijama, koje će budžetski korisnici dostavljati uz zahtjeve za alokaciju nakon ostvarenih priliva u periodu januar – mart 2015. godine. Nerealizirani programi posebnih namjena finansirani iz namjenskih sredstava i nerealizirana sredstva na ime višegodišnjih kapitalnih projekata finansirat će se u skladu sa članom 11. stav (4) Zakona o finansiranju institucija BiH, s tim da su budžetski korisnici dužni dostaviti zahtjev za prenos osiguranih, a neutrošenih sredstava u 2015. godinu.

S poštovanjem,

MINISTAR
Dr. Nikola Špirić

Prilog:
- Tabele 1-4